

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ**

Ո Ր Ո Շ ՈՒ Մ

Վարչական գործի վարույթը կասեցնելու մասին

10 դեկտեմբերի 2020թ.

ք.Գյումրի

ՀՀ ՊԵԿ Հյուսիսային մաքսատուն-վարչության պետի ժ/պ Նարեկ Գևորգյանս, քննելով Տաթևիկ Սիմոնյանի (անձնագիր՝ AT0565483) կողմից մաքսային կանոնների խախտում կատարելու վերաբերյալ նյութերը.

Պ Ա Ր Զ Ե Ց Ի

Տաթևիկ Սիմոնյանը 20.10.2020 թվականի թիվ 05100022/201020/0042411 տարանցման հայտարարագրով Բավրայի մաքսային կետ-բաժին անցակետով ՀՀ տարածք ներմուծել HYUNDAI ELANTRA մակնիշի, 5NPDH4AE5DH285637 նույնականացման համարով տրանսպորտային միջոց, որի նշանակման մաքսային մարմին՝ Հյուսիսային մաքսատուն-վարչություն հասցնելու վերջնաժամկետը 30.10.2020 թվականն էր:

Մաքսային հսկողության ներքո գտնվող տրանսպորտային միջոցը և ուղեկցող փաստաթղթերը Հայաստանի Հանրապետության մեկ մաքսային մարմնից մյուս մաքսային մարմին սահմանված ժամկետում չեն հասցվել:

Դեպքի կապակցությամբ 02.11.2020 թվականին Տաթևիկ Սիմոնյանի նկատմամբ կազմվել է մաքսային կանոնների խախտման վերաբերյալ արձանագրություն ՀՀ մաքսային օրենսգրքի 195-րդ հոդվածի հատկանիշներով:

ՀՀ ՊԵԿ Հետաքննության և ՕՀ վարչության վարչության 09.12.2020թ. թիվ Ն/14-22/198941-2020 գրության համաձայն՝ Տաթևիկ Սիմոնյանի անվամբ ՀՀ տարածք ավտոմեքենա ներմուծելիս մաքսային մարմին կեղծ փաստաթղթեր ներկայացնելու վերաբերյալ ստացված հաղորդման հիման վրա ՀՀ ՊԵԿ Հետաքննության և ՕՀ վարչության 22-րդ բաժնի կողմից ՀՀ քրեական օրենսգրքի 325-րդ հոդվածի 1-ին մասի հատկանիշներով նախապատրաստված նյութերով 03.12.2020թ.-ին հարուցվել է թիվ 83855020 քրեական գործը և ըստ ենթակայության ուղարկվել է ՀՀ քննչական կոմիտեի Տավուշի մարզային քննչական վարչություն:

Հիմք ընդունելով այն հանգամանքը, որ 03.12.2020թ. հարուցվել է թիվ 83855020 քրեական գործը և անհնարին է տվյալ վարույթի արդյունքում ակնկալվող վարչական ակտի ընդունումը մինչև սահմանադրական, վարչական, քաղաքացիական կամ քրեական դատավարության կարգով քննվող գործով որոշում (դատական ակտ) կայացնելը և ղեկավարվելով <<Վարչարարության հիմունքների և վարչական վարույթի մասին>> ՀՀ օրենքի 49 հոդվածի 1 մասի <1> կետով՝

Ո Ր Ո Շ Ե Ց Ի

1. Տաթևիկ Սիմոնյանի նկատմամբ հարուցված վարչական վարույթը կասեցնել՝ մինչև կասեցման հիմք հանդիսացող հանգամանքների վերանալը:

ՀՅՈՒՍԻՍԱՅԻՆ

ՄԱՔՍԱՏՈՒՆ-ՎԱՐՉՈՒԹՅԱՆ ՊԵՏԻ Ժ/Պ

Ն.ԳԵՎՈՐԳՅԱՆ

